

列女傳

列女

國家設旌閭之令以待世之賢婦貞女甚盛典也然案牘
之文既多散佚而窮鄉僻壤編戶小民其子孫之力不
足自達於官府閱世滋久遺迹杳然又無學士文人為
之發潛而闡幽其湮沒無聞者可勝道哉今敘次自符
秦張夫人以下以備列女傳

宛宛淑儀明鑑戎機 張夫人秦王堅妃也明辨有才識

堅甚寵倚及堅謀伐晉羣臣皆切諫不從夫人上疏曰
妾聞天地之生萬物聖人之馭天下莫不順其性而暢
之是有因成無因敗今朝臣上下皆言不可陛下復何
因也書天聰明自我民聰明天猶若此况人主乎妾聞
人君有伐國之志者必上觀天象下採衆議天道崇遠
非妾所知以人事言之未可諺曰雞夜鳴者不利行師
犬羣噪者宮室必空兵動馬驚軍敗不歸秋冬以來每

夜羣犬大嗥衆雞夜鳴廢馬驚逸武庫兵器有聲吉凶
之理誠非微妾所論願陛下詳而思之堅曰軍旅之事
非婦人所宜豫也不聽夫人遂請偕行及堅敗於壽春
流涕謂夫人曰吾今何面目治天下乎夫人因自殺厥
後苻丕楊后苻登毛后皆以貞烈著稱史氏述焉

雙虹叶夢環甲以馳 羅氏李特妻李蕩李雄母也初夢

雙虹自門升天一虹中斷羅氏曰吾二兒若有先亡在

者必大貴及特敗雄與蕩拒羅尚宋岱等水軍於涪蕩戰
死雄營中氏羌皆叛應羅尚時蕩母擐甲略陳與苻成隗
伯短兵相接隗伯手刃羅氏傷目復裹創決戰壯氣益烈
至日中營垂欲破會雄救至大破羅尚軍遂還保涪及雄
即尊位追謚羅曰太后

二烈愧呂玉碎蘭披 楊氏涼王呂纂妻宏農楊桓女也美
異有才纂為呂超所殺楊與侍婢十餘人殯於城西將出

宮超遣人卻其珍寶楊厲聲責超曰汝兄弟不能和睦手
刃相屠我旦夕死人何用金寶超問玉璽所在怒曰盡毀
矣後超悅色其謂其父曰后若自殺禍及卿宗桓以情告楊
大怒曰大人本賣女於氏以圖富貴一之謂甚其可再乎
乃自殺 張氏呂紹妻也有操行年四十紹死為尼呂隆
欲汙之遣人諭意張氏太息曰欲樂至道誓不受辱遂升
樓自投於地二脛俱折而死天下聞之皆哀其志

天水明辨啟宇成基 尹氏天水人涼武昭王李暠妻也

暠父昶漢李廣之後幼有令名早卒暠有文武才晉義
熙中自稱西涼公稱藩於晉暠卒子歆立欲沮渠蒙遜
尹謂之曰汝新造之國自守猶恐不足何暇伐人先王
臨終戒汝慎用兵奈何棄之蒙遜常有兼立之志汝當
靜以俟時彼若昏暴民將歸汝若其休明汝將事之豈
得輕為舉動僥倖非望以吾觀之非但喪師殆將亡國

歆不聽果為蒙遜所殺尹氏好學清辨有志節贊曷創
業河西有李氏王敦煌之謠子重耳仕魏子孫歷代封
公遂啟唐室也

宏農隴西代為女師 楊夫人權倖妻也倖於天寶中仕
至羽林參軍有大名於世早卒夫人隨子貞孝公皋避
亂寓居江南卒於杭州富陽縣元和中孫德輿遷葬於
東都伊闕縣夫人性明達凡貞孝大節皆夫人有以啟

之也 李夫人隴西人權皋妻德輿母也隨皋流寓於
卒於丹徒元和元年追命為敦煌縣太君二年追命為
絳郡太君安定梁肅寬中表其墓曰夫人輔佐中饋為
人倫師式上事姑下訓子為順婦為慈母蓋實錄也同
時權隼妻殷氏亦有賢聲德輿表其墓

清河母女朝野之儀 崔夫人清河人權德輿妻也父造
嘗相代宗朝有大名於世奇夫人志操慎於擇壻見德

輿器局委心焉崔氏世為名門家法肅穆夫人幼承姆
儀有殊質佐德輿出入將相垂四十年人無間言不嚴
而化當時稱之女適獨孤郁德宗嘗稱之曰我女壻不
如權德輿女壻時郁居侍律每宮中有大典禮崔輿獨
孤皆於內朝序位環佩之聲相聞族黨羨其榮後早卒
德輿志其墓

穆穆三媛世家楷模

張氏南陽人權達妻也明茂有禮

法達於貞元中歷仕馮翊縣尉登封主簿咸陽縣丞所
至有名績張氏佐夫助理族姻皆稱其賢子塤 崔氏
博陵人持權少成妻也少成隼之子於貞元中仕至登封
縣令權德輿稱其仁厚質實廉隅介獨往往以文自道
不務游談不馳名聲知者以為古之循吏不若也崔氏
雅有婦行能文章教兩子頊瑄皆致大名 權氏桐廬
縣丞柳某妻權伋女也生而敏異姿性端明而和敬以

事長慈惠以拊下伯仲甥侄每有疑理滯義多所諮訪
外內族姻之中瞻其儀型剛戾者順不仁者化以貞元
二年卒於官舍從父兄子德興誌其行如此

亦有女士法戒精持 唐東京安國寺尼契微俗性權氏
翰林詳定學士同女女也生而敏悟超然元覺九歲於
薦福寺發心入曼荼羅道場天寶元年受具於福先寺
乃通四部經尤精楞伽之義後棣安國寺徒衆甚廣弟

子惠操又其兄女也建中二年九月六日冥然化滅年
六十二姪孫德輿銘其塔曰教旨清淨戒珠圓映識浪
情塵還源返性彼一切見皆妄想生精修密詣湛爾融
明示現者何此身非久強為之銘以焯於後

孝昌慷慨救父捐軀 李氏唐盧甫妻也父潤永泰初為
蘄令有劇賊在縣界潤挺身說以恩信賊并降附徐州
刺史曹昇知賊降欲掩襲之以為功賊得脫入縣疑潤

賈已執潤及弟渤李在父所亦被執爭相代死賊並害
之詔贈李孝昌縣君

蒲州毓秀誕孕王妃 明永和王妃蒲州知州王福女也

福以國子生授知州事在蒲有治績妃時隨父居蒲永
和王聞其聰慧有容色禮聘因冊為妃以賢稱於時其
後王氏子孫以妃故有留居汾陽者

梁節王孝贖志空幃 梁氏貢生成三俊妻三俊有異才

於試策內極陳璫禍為主司所擯於邑而死梁年二十四厲志不辱撫其子俱成立里中數操行者以梁為首

王氏關士毅妻也毅早卒無子王誓不他適事姑柴以孝稱家貧王紡績以自給人不堪其苦而王自若也其後嘉靖中有董碧妻李氏亦孤苦有志操與關同

淑媛好學賢婦知機 胡氏孫述先妻胡纘宗姊也纘宗幼時繼母遇之嚴述先妻常調護之每寒夜誦讀輒危

坐相伴以故纘宗學無不通而述先妻亦粗解大義云
王淑人纘宗妻也賢明有識略纘宗守安慶時宸濠
叛於江西南畿震恐纘宗甚憂之王慰之曰君無過慮
妾料甯王必無成也纘宗曰甯王老猾何謂無成王曰
妾聞甯王賊殺忠良與二三嬖倖謀兼以逆犯順人心
不附竊料江西官吏必有搃其隙者賊今尋賊矣已而
巡撫王守仁果一戰擒之時人多其有識後早卒纘宗

深痛焉

三烈皎皎血肉橫飛 王氏生員張登縉之妻也雷氏生員孫丕顯妻也楊氏貢生王卿妾也崇禎末流寇陷城王年二十有姿賊欲辱之罵賊自刎雷孝於姑賊傷之揮刃救其姑弗獲因憤罵觸石而死血迹至今不滅楊年二十六時已孀居賊從其家逼之不從更以好言誘之伺便投入井中賊駭嘆委之而去

聖朝彤史首登白宋 國朝白貞婦張辨侍兒也辨疾不能起又無室貞婦營護百方及易簀辨顧其子女目不瞑貞婦慰之曰君第自為計此貌貌者妾之責也時貞婦年僅十五辨額之而意不相信貞婦喻其指復泣曰君以妾未婚耶辨又額之貞婦遂自笄而跪曰妾今為君婦矣死生豈易志耶辨眙而瞑貞婦遂撫其子女皆成立終身無間曰吾已許夫子矣事聞 特詔褒之胡

武為作貞婦詩 宋氏舉人王勳妻也字帛垂少有雋
才能詩工文詞鄉試第一年末三十卒宋撫其子孫皆
為名諸生校官和立本聞其苦節欲為請旌宋愀然謂
其孫訓曰守節分內事耳况汝已領解祖有聲當世吾詎
可與編氓婦爭名耶汝必辭之和聞之曰吾淺之乎視
此嫗矣

李胡義烈餘芬可誦 李氏通判路道庸妻也事姑以孝

謹聞道庸患風痺姑又失明李以孱身宛轉二病者間
無幾微怨憤之意道庸與姑尋逝李年尚少有諷之改
適者歎曰薄命之人已與先夫有約矣詎可因存亡易
哉遂撫其侄為嗣終身焉 胡氏楊于果媳胡鈇女也
果與鈇少同研席以道誼文章相友善胡年十餘適果
第三子煥夫婦俱敏惠有文思時相唱和鄉里慕焉已
而煥溺於渭水胡聞耗不哭沈思獨坐家人議之一旦

靚妝自經死年二十有三缺聞之笑曰不媿吾女矣縣人哀其志為徵文誅之張位作胡烈婦傳同時有党積德妻侯氏操行甚苦楊于果為之作傳

成張厲志馬周賈恨 成氏王榮妻均祖母也本農家婦夫亡慮為強暴所奪遷居城中賢明有志操教子讀書每自督之治家有法里中長者過其家奉之維謹其後家亦漸饒子孫鼎盛為縣右族 張氏路顯基妻平涼

教諭天基嫂也夫亡無子天基幼張佐姑撫之甚勤及授書每自教以句讀所以策勵之尤至卒後天基或語及必流涕曰吾不肖負嫂恩矣 馬氏王自正妻 周氏汪悅富妻也嘉慶五年川楚教匪竄擾縣境周馬年皆艾被擄不能脫厲聲罵賊血淚交迸賊恨甚積薪焚之事聞旌其閭

郭女矣貞李媛誓衆

郭貞女名勵幼已許字未成婚夫

病卒父母欲更嫁之勵私謂家人曰我已許某氏矣即
未婚而夫婦之義已定今豈可背之耶家人互勸之勵
初不言但飲泣而已一日遂飲藥死 李氏諸生吳光
姬妻也光姬卒李年二十四家人利其財密許富室欲
強娶李聞之陰自為備及輿馬至門李懷刃突出刺馬
腹因截髮髻面指天泣誓以死要之衆不敢逼相與歎
息曰吾儕誠小人也事遂寢聞者感焉

肅肅三孝閭里式敬 侯氏諸生高裕妻舉人建勳母也

有婦德事舅姑以孝聞舅亦名孝廉晚得風痺寢牀綉褥者數年侯一身營護先意知其微指舅甚安之歎曰吾賢婦若忘其身之病且貧也建勳今官安化鄉學訓導

王溱貢生錫奎之女舉人王濟妹也母病風痺展轉

牀褥者四五年溱與兄妹百方營護於藥物飲食皆手自料理眼不交睫者數年未嘗少倦常願終身不嫁以

供養母氏後迫母命適生員侯懷瑜數月卒族黨憐之
王氏謝萬春妻也萬春早卒無子有姑在堂家貧甚
王以鍼黹度日事姑極孝人無間言姑卒王撫一子成
立嘗誨以治生作人之法鄰里見之無不歎其賢也

孫氏二烈後先輝映 高氏童生孫慶聲妻也慶聲年三
十二偶感寒疾勢將不起高陰戒家人處分後事及附
身附槨之物纖悉皆具遂投井死年二十一 黃氏名

青梅許字於孫景文未嫁夫病轉側需人而家貧甚梅
聞之晝夜泣目盡腫景文憐其意因娶之晝侍湯藥夜
居他室未嘗稍寐及景文死含斂畢飲毒而卒年僅十
七歲

孝廉之媳命隨夫隕 張賴童生劉源溥妻孝廉方正會
甯訓導維慶媳也年十八歸劉舅姑愛之未幾夫病左
右侍湯藥衣不解帶者浹月病既革夫告之曰我死子

必嫁賴舉一箸折之泣然曰脫有不諱必以殉此箸所以誌也及夫歿賴即飲毒而卒 苟碧蓮童生丁之清妻舉人錫奎次媳也未娶時之清已病合奄後即異室寢之清病逾年蓮侍湯藥無稍倦病劇則暗中飲泣及之清歿蓮乘間吞藥卒年僅十七歲

哀哉二蔡委心鋒刃 蔡氏鄧某妻也 蔡氏張某妻也

同治七年陝回薄城逾時北郭城破張家城堡亦破二

蔡皆為賊所執以騎載之乃大罵自墮馬如是數回賊怒支解之縣中登陴者見之無不流涕

亦有窮簷湮沒堪痛

此外明時已旌者若

監生李玘妻周氏 伏友英妻張氏 王愷妻李氏

李繼妻鄭氏 生員蔡魁妻党氏 王翼妻傅氏

生員胡孔少妻安氏及其媳成氏

國朝已旌者若

生員蔡曰乾妻周氏

生員蔡曰康妻張氏

生員張懷光妻龐氏

童生路灝妻孫氏

吳順姬妻李氏

何洛瑞妻楊氏及其媳安氏

侯普德妻蔡氏

生員張翔妻何氏

成育芊妻王氏

王肇洸妻宋氏

蘇魁妻趙氏

趙清望鄧氏

桑成章妻姚氏

李漢生妻成氏

龐指妻蔡氏

龐漢馥母伏氏

胡公洽妻安氏

成允妻楊氏

趙迪洁妻楊氏

蔡錫瓚妻孫氏五世同堂年九十有二

邵勗妻逯氏

劉朝宗妻關氏

蔡錫業妻王氏

胥選士妻任氏

吳廷曉妻蔡氏

蔡澍妻周氏

張雲鵬妻路氏

生員安淮妻楊氏

薛棟妻張氏

生員劉化南妻張氏

生員鄧克忠妻徐氏

邵執業妻王氏

侯維新妻成氏

安遇妻傅氏

張聯奎妻邢氏

王題妻邱氏

楊燮妻劉氏

李丕顯妻胡氏

張裕後妻任氏

辛耀南妻張氏

蔡涇妻高氏

張弼恒妻萬氏

馮玉妻張氏

何承基妻王氏

趙澤母何氏

生員王興妻趙氏

武殿魁母王氏

成四術妻王氏

曹漢忠妻党氏

王念烈妻成氏

高重妻任氏

安定妻鄧氏

王緒武妻王氏

吳偉妻劉氏

宋鉉妻張氏

成奠岷妻魯氏

馮澍妻高氏

洪禹德妻張氏

安懋迪妻張氏

蔡錫蒲妻吳氏

李暉吉妻孫氏

蔡淵妻劉氏

成信妻王氏

生員吳滋棠妻胡氏

關自華妻宋氏

汪淵深妻馬氏

生員胡之珩妻党氏

周徧妻吳氏

員自明妻胡氏

張文錦妻程氏

劉弼殿妻張氏

侯鎮遠妻徐氏

生員蔡書紳妻路氏

任輝典妻張氏

張丕業妻周氏

王炯妻宋氏

秦國士妻朱氏
徐敬行妻蔡氏
生員蔡錫魚妻張氏

劉敦仁妻 氏
汪源浚妻蕭氏
王登燕妻張氏

李登祥妻王氏
李鴻基妻柳氏
武舉陳洪範妻蔡氏

柴卜熊妻王氏
柴緒周妻孫氏
辛滿斗妻王氏

辛繼愷妻龐氏
劉邦彥妻柳氏
郭世雄妻楊氏

成永嗣妻劉氏
吳連慶妻成氏
胡自清妻蔡氏

胡自泮妻李氏
宋繼南妻曹氏
生員蔡濤妻王氏

雒奮翅妻徐氏

何文炯妻高氏

姚睦妻周氏

高文昭妻党氏

趙興讓妻安氏

生員洪爾選妻李氏

李映桐妻侯氏

張卜泰妻党氏

李振志妻胡氏

馮啟泰妻徐氏

高炯然妻成氏

何文炳妻孫氏

王純一妻張氏

胡楹妻馮氏

何塾妻成氏

成德妻侯氏

楊讓妻李氏

楊世彥妻趙氏

王修業妻高氏

王文繡妻周氏

楊顯宗妻吳氏

楊廓基妻吳氏

張金望妻蘇氏

王紹曾妻汪氏

李澍妻洪氏

張穩江妻張氏

邵雲漢妻張氏

王鳳池妻張氏

胡哲妻張氏

劉丕烈妻楊氏

劉鴻祖妻辛氏

柴宗孔妻靳氏

張塾妻楊氏

張懷英妻劉氏

張宗元妻王氏

蔡映奎妻孟氏

趙振基妻喬氏

李奮西妻安氏

胡自潔妻何氏

龐天存妻王氏

王想德妻吳氏

馮廣南妻龐氏

何育妻雒氏

鄧立德妻張氏

吳葺青妻傅氏

劉省妻張氏

郭廷傑妻張氏

王奮烈妻白氏

李殿甲妻李氏

劉汝讀妻李氏

王著烈妻韓氏

張廷眷妻劉氏

白潔妻李氏

監生吳政理妻劉氏

高正妻高氏

王汝玉妻高氏

羅緒妻王氏

呂可教妻田氏

陳自傑妻張氏

趙珍妻王氏

李天爵妻張氏

馮懷安妻李氏

登瀛妻張氏

吳順周妻劉氏 米際陽妻周氏 趙發成妻陳氏

張顯揚妻靳氏 王浚妻汪氏 張自修妻何氏

丁含妻李氏 生員杜蒼妻劉氏 職員王守謙妻蘇氏

高遇妻金氏 高浚妻張氏 柴緒孔妻蔡氏

張垣妻劉氏 王增祿妻趙氏 胡楷妻蔡氏

徐克類妻王氏 王懷一妻張氏 姜成高妻文氏

李品初妻張氏 高振基妻安氏 高振緒妻安氏

秦世偉之女秦氏

李芳彦之女李氏

胡遇祥妻党氏

薛含萼妻友氏

胡禎祥妻何氏

張永盛妻孫氏

任繼盛妻成氏

高洞妻安氏

宋昭妻李氏

王儒林妻孟氏

李讚妻朱氏

董滿庫妻鄧氏

魯變易妻李氏

張繼妻蔡氏

陳範妻司氏

劉銘妻成氏

生員孫必大妻鄭氏

陳嗣韶妻劉氏

陳嗣虞妻段氏

張貞固妻白氏

張思譚妻丁氏

張書紳妻安氏

監生董存仁妻郭氏

張意正妻邵氏 張貞觀妻苟氏 張宗儒妻馮氏

侯筮預妻張氏

福建屏南縣知縣胡廣麟妻馮氏捐銀一千五百兩助修

城垣及增置書院膏火奉 旨准其建坊

監生宋鍾靈妻王氏捐銀一千兩作為義學脩脯奉 旨

准其建坊

又有當旌而未請者及同治中遇賊殉難者

成千祥妻王氏
馬建昌妻哈氏
吳承信妻楊氏

劉步鼈妻朵氏
蔡滌妻王氏
蔡錫璵妻路氏

宋欬妻龐氏
趙渙業妻逯氏
生員張作肅妻雒氏

張翬妻董氏
朱瑞麟妻梁氏
生員成振基妻劉氏

王錫命妻李氏
成至善妻柴氏
李宗淵妻張氏

孫燠妻康氏
蔡振甲祖母孟氏
郭惠元妻劉氏

師問政妻曹氏
劉忠妻王氏
嚴漢賓妻卜氏

馬恕妻楊氏

謝修義妻胡氏

張自讓妻丁氏

劉天成女蓮

張九姓女純秀

成拴牢妻桑氏

王得元妻吳氏

王尚智妻雒氏

生員張鵬妻雷氏

宋三哥妻石氏

程丁兒之妻黃氏

生員洪丕緒之妻楊氏

李合林之妻汪氏

洪慶雲之妻梁氏

洪纘緒之妻惠氏

從九桑愛春之妻李氏

監生洪廣吉之妻邢氏

桑凌魁之妻邢氏

生員竇旭之妻王氏

洪家彥之妻陳氏

洪權之妻邵氏

洪圖之妻王氏

白有祥之妻邵氏

安官海之妻范氏

遂保之妻董氏

李卯之妻楊氏

張煥之妻吳氏

賈成之妻曹氏

魏禮賢之妻王氏

魏全德之妻伏氏

何元之女何氏

馮千金之妻韓氏

李榮奎之妻黃氏

王得元之妻吳氏

安自元之妻劉氏

李毓英之妻班氏

高良之妻雒氏

王有山之母高氏

成福之妻張氏

王振綱之妻宋氏

監生斯樹榮之妻雒氏

宋文烈妻劉氏

胡慎與之妻謝氏

徐毓祥之妻路氏

竇榮勤之母頓氏

雷化龍之母唐氏

